



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1848

2011. Ernst, Postulat zu Magdeburg, bevollmächtigt einige Domherren
und Räthe zur Unterhandlung mit dem Kurfürsten Albrecht wegen der
Unterdrückung von Räubereien, am 24. Juli 1479.

Nutzungsbedingungen

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

wy gudes vermoghen touorn. Hochgebornne forste, leue herè vnnnd ohm. Juwer leuen lateste scriuet an vnz hebbe wy wol vernamen. Also Juwe leue scrift vnder roreth, dat wy vnz Jegen vnser Swagher marcgreue Albrechte richten mochten, So saghe wy Juwer leue to wetende, dat wy vnz mit em gutliken vordraghen hebben, to ener vullen-kamenen vorrichtinghe: vnd konde wy Juwer leuen wor anders mith to willen werden, deden wy gherne, Jodoch schal Juwe leue vnnnd Juwe leue broder vnse ohm vnder ande vnse hern vnd frunde alleweghe Jegen enen Iderman rechtes ouer vnz mechtig wegen. Godt almechtig friste vnd spar Juwe leue to langen tiden fundt. Datum prentzlow, am sundaghe vor petri et pauli apostolorum vnder vnsem Ingeszegel, Anno LXXIX. Dem Irluchteden, hochgebornen forsten vnd hern, hern Ernste, hertogen to Sassen etc. korfursten etc. vnsem leuen hern vnnnd Ohemen.

Aus dem Königl. Sächsisch. Geh. Archive in Dresden.

2011. Ernst, Postulat zu Magdeburg, bevollmächtigt einige Domherren und Räte zur Unterhandlung mit dem Kurfürsten Albrecht wegen der Unterdrückung von Räubereien, am 24. Juli 1479.

Wir Ernst, vonn gots gnadenn Postulirter zu Erczbischove zu Magdeburg etc. herczoge zu Sachssen, Lantgraue in doringen vnd Marggraue zu Missen, Bekennen vffstetlich mit diesem briue fur ydermenniglich. Nachdem dann durch den hochgebornen fursten, herren Albrechten, Marggrauen zu Brandenburg etc. vnsern lieben herrn ohmen vnd Swager zewuschen seyner liebe vnd vns eyn tag vff Mitnewochen nach sente Jacoffstag schirftkomende gein Tangirmunde surgenommen ist zu handeln, domitte wir pleckerey vnd Rowberey vnz vnnnd in vnsern landen an beiden teilen furder entladen bleiben, das wir den wirdigen vnd gestrengen ern Mauricien von Schonow doctor, ern ludewigen von velthem Thumherren vnser kirchen zu Magdburg, Apeln von Tetow vnd ludolffen von velthem, vnsern lieben Andechtigen Reten vnd getruwen, zu sollichem tage vnd handel vnsern fullen gewalt vnd macht gegeben haben vnd Gebin yn vnsern Gewalt vnd macht also geinwertiglich in crafft diesses briues, Also was durch sie in dem von vnsern wegen mit dem gnanten vnserm lieben herrn ohmen vnd Swager Marggraue Albrechten gethan, gehandelt, surgenommen vnd beslossen wirdet, das das also vnsern halben gehalten vnd dem nachgegangen vnd folge gethan werden soll vngeuerlich. Zu orkunde mit vnserm zu rucke vffgedrucktem Ingesigel versigelt vnd Gebin zu Gebichinfteyn, am Sonnabinde nach Marie Magdalene, anno domini etc. Septuagesimo nono.

Nach dem Copialbuche des Markgrafen Johann.

2012. Festschzung des Kurfürsten Albrecht über einen wegen der Uneinigkeiten zwischen Brandenburgischen und Braunschweig-Lüneburgischen Unterthanen von dem Markgrafen Johann zu Salzwedel zu haltenden Tag, vom 27. Juli 1479.

Zu wissenn, das auf hewt dato diszer Zedell zwischen vnns Marggraue Albrechts von Brandenburg, Churfürsten etc. einz, vnd vns geschickten Reten geistlichen vnd werntlichen des lands zu lüneburg andersterteils besprochen ist, das von allen teylen man die hende hinfurder soll still halten vnd mit der that nichtz thun einer dem andern zu wider, Sundern der aufztreg nach laut der Eynung zu nehmen vnd zu geben gefettigt sein vnd welchem teil solchs vberfahren wurd, sol man mit der that darzu thun nach laut der eynung vnd der ergangen hendell, sol man komen gen Soltwedel vf Suntag nach Galli schirfikomende vnser Son, Marggraue Johanss personlich vnd von den obgemelten Reten vnd von beiden teilen mitbringen, die der sach zu thun haben, zu uersuchen die sachen gutlich zu richten vnd welche sach man nicht gutlich gerichten mag, sol man entscheiden vnd halden nach laut der eynung zwuschen den Churfürsten vnd fürsten von Brandenburg vnd lüneburg, vnd man soll darauf die gefangen betegen von beiden teilen bisz auf den bestimbtan tag, vnd welche sich einstellen oder vor jn gelobt vnd betag sind vnd mogen sie sich selber samptlich oder sunderlich jn des vertegen vnd richten, lassen wir vnd die Regenten von beiden teilen gescheen vnd komet vns zu guten geuallen, auf das eynickeit jn den landen bestee, daraufz guter frid wachs landen vnd lewthen zu trost, Actum et datum Welfznack, am dinstag nach Jacobi, Anno etc. LXXIX^{ten}.

Nach dem Copialbuche des Markgrafen Johann.

2013. Friedliche Einigung und Verbindung zwischen Brandenburg, Mecklenburg und Pommern zur Vermeidung aller Feindseligkeiten, zu rechtlichem Austrage aller entstehenden Streitigkeiten und zu gegenseitiger Hülfsleistung, vom 27. Juli 1479.

Von gottes gnadenn wir Albrecht, des heyligen Rom. Reichs Ertzkamrer vnd kurfürste, Johanss vnnnd Fridrich, sein Sone, Marggrauen zu Brannenburg, zu Stetin, pomern etc. Hertzogen, Burggrauen zu Nuremberg vnd fürsten zu Rugen, Albrecht, Magnus vnd Baltzar, gebrudere, hertzogen zu Mecklenburg, fürsten zu Wennden, Grauen zu Swerin, der lannde Rostock vnd Stargard Herren vnnnd Buggeslaufs, zu Stetin, pomern, der Cassubenn vnd Wennden hertzoze, fürste zu Rugen vnd Graue zu Gutzkow, Bekennen vnd thun kund offentlich mit disem briue, Das wir vnns aufs angeborner trew, lieb, freuntshaft vnd verwandtnufs vnser aller lannden vnd lewten zu gute vmb fride vnd sun willen mit einander fur vnns vnnnd vnnser erben vereiniget haben vnd vertragen, vereinigen vnd vertragen vnns in craft dicz briues also, das wir nu hinfurder wider